

Reakcija OHR-a na stav HDZ-a u vezi sa Finansijskom policijom

Ured Visokog predstavnika odbacuje izjavu politickih predstavnika zupanijskog odbora HDZ-a Hercegovačko-neretvanskog kantona protiv Finansijske policije Federacije danu 1. februara u Neumu. Ova izjava nema nikakav pravni temelj, jer je Finansijska policija tijelo Federacije, te je van nadležnosti kantona. Ona predstavlja neodgovoran čin protiv zakonitog organa za provedbu zakona te indirektno podržava sistem korupcije i prevare protiv kojega bi se vodjstvo H-N kantona trebalo boriti.

Finansijska policija Federacije ima isključive nadležnosti u istraživanju korupcije i prijevara. Niti jedna javna ili privatna ustanova sebe ne može proglasiti izuzetom od zakonske vladine agencije kakva je Finansijska policija. Finansijska Policija je nezavisno tijelo čiji je zadatak borba protiv finansijskih zloupotreba.

OHR smatra kako izjava HDZ-a narušava autonomiju ovoga tijela koja ga čini djelotvornom. Ovakve izjave sugerisu da oni koji ih daju nisu istinski predani borbi protiv korupcije i prevare. Ovo je neprihvatljivo. Uspješna borba protiv korupcije i prevare od životnog je značaja u osiguravanju odgovarajućeg društvenog, ekonomskog i pravnog okvira unutar kojeg građani Bosne i Hercegovine mogu uživati bezbjednost i izvjesnost.

OHR očekuje od svih zvaničnih vlasti Hercegovačko-neretvanskog kantona da daju svoju punu podršku radu Finansijske policije. Bilo kakvi pokušaji opstruiranja njezina rada bit će shvaćeni kao djela koja ohrabruju korupciju i prevaru. Preporuke usmjerene ka unapređivanju rada Finansijske policije trebale

bi biti upucene odgovarajucim federalnim organima. Takvi bi prijedlozi trebali biti konstruktivni te usmjereni ka jacanju, a ne slabljenju agencija koje rade na provedbi zakona i koje se bore za povjerenje javnosti.